

سنه لکی در سعادت ایچون مجیدیه
یکرمی غروش حسابیله التمش
غروشدر

طشره ایچون پوسته اجر قی اوله رق
اون بش غروش ضم اولنور

نسخه سی ۴۰ پاره در

فکر دیک محاکمه علییه

آبونه اولق ایستینار داتره عدلیه دم
اداره مخصوصه سنه مراجعت
ایلدیر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته دهه ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تجربیات

اطنه ولایتی استیناف محکمه سی مدعی عمومی لکی
قسطنمونی ولایتی مرکز بدایت محکمه سی حقوق
داتره سی رئیس عزتو عبده رأفت بکه
قسطنمونی ولایتی مرکز بدایت محکمه سی حقوق
داتره سی ریاستی جانبیک سنجانی نائب و بدایت محکمه سی
رئیس اول سابقی فضیلتو حسن فهمی افندی به تفویض
بیورلش ومومی الیهادن محلف اولیان حسن فهمی
افندینک علی الاصول اجرای تحلیفی در دست اجرا
بولنمشدر.

تبلیغات

مدیوناً موقوف و محبوس اولان اشخاصک
ولادت هایون میمنت مقرون حضرت خلافتناهی به
مصادف یوم مسعوده حرمة تخلیه سیلاری شرف صدور
بیوریلان اراده سنیه حضرت پادشاهی ایجاب
عالینندن بولنمش ومجموع دینلری اولان یوزیکرمی بش
لیرا التمش غروش طرف اشرف جناب خلافتناهییدن
احسان بیوریلره رق عدلیه نظارت جلیله سنه ارسال
قلنمش اولغله مرقومونک یوم مسعود مذکورده
همان سیلاری تخلیه ایتدیرلیدیکی کبی اله جقلولری دخی
داتره عدلیه به جلب اولنره رق مأمورین مخصوصه
معرفیله هر برینک مطلوبلری کنسودولرینه تماماً
وکاملاً توزیع وتسليم اولنمش وبوسيله مشکوره ایله
دخی زیور لسان مصادقتیان ملوکانه اولان دوام
عمرو عافیت وتزاید شان وشوکت جناب خلافتناهی
تکرار بتکرار یاد وتذکار قلنمشدر.

سایه مکارموایه حضرت خلافتناهیده نظارت
جلیله عدلیه خدمه سیله او طه جیلرینه بهر سنه بر رقات
البسه مخصوصه اعمال واعطا قلنمقدمه اولدینی کبی
محاکم ومعاملات عدلیه نک کافه جهاتنک استکمال
اسباب مکملیت وانتظامی امرنده شرفشایان بیورلمقدمه
اولان ارادات وعنایات معالی غایات حضرت شهنشاهی
جله مبجله سندن اولق اوزره در سعادت ایله بک اوغلی

واسکدار محکمه لرنده مستخدم اولان مباشر صنفندن
خدمه به دخی موازنه عدلیه میاننده بولنان قارشولقله کذلک
سنوی بر رقات البسه اعمال ایتدیرلمسی حقننده پیرایه صحیفه
سنوح و صدور بیوریلان امر و فرمان اصابتیان جناب
تاجدارای منطوق عالینسه توفیقاً نظارت مشارالیه حاجه
اعمال ایتدیریلان ایکی یوزیکرمی بر طاقم اثواب ایله
ولادت باهر السعادت حضرت شهریارای به شرفصاف
روز میمنت بروزده خدمه ومومی الیهم اکسا وبو
صورته ده دعای افزایش عمر وشوکت واجلال
ولی نعمت بیمنت اعظمی رفع اجابتگاه جناب کبریا
قلنمشدر.

انجمن عدلیه دن تنظیم واعطا قلنان مذکره در:

تجارندن درویش زاده احمد حدی افندی طرفندن
ویریلان اوچ قطعه عرفحال ایله اسکدار بدایت
محکمه سی اجرا داتره سنک اولباده کی درکنارلری
تدقیق ومطالعه اولندی.

مالرندن اکلاشلدینی اوزره مومی الیه احمد
حدی افندی در سعادت استیناف محکمه سندن کسب
قطعیات ایدن بر قطعه اعلامی موجبنه امینه صیحه خاتم
ذمتده اولان الاجتنک تأمین استیفاسی ایچون داتره
مذکورده به موقع مزایده به قونیلان یاغ قبانی خانی
درونده کائن بودوروم وصوندرمه محلنک بالا آخره
مدیونته مومی الیه طرفندن کریمه سی فوزیه خانمه
ایجار ایدیلره رک اوچ سنه ک بدل ایجارینک دخی ایقای
دینه کفایتی سر رشته سیله مزایده سندن صرف نظر
ایدلیدیکندن شکایت ایتمکده بولنمش وداتره اجرانک
درکناری مؤداسیده محل مذکورک اوچ سنه ک
بدل ایجاری تسویه دینه کافی اولسندن ناشی امر مزایده نک
تاخیر ایدلیدیکی وشمندی به قدر اوچ دفعه ده فرق
بش لیرا کتیریلره رک وزنه به تودیع اولدینی حالده دان
مومی الیه طرفندن اخذ ایدلیدیکی افاداتی متضمن
کورنمشدر.

ذکر اولنان بودوروم وصوندرمه محلنک اساساً
مرهون وبالمزایده فروختی اعلام استینافی ایله محکوم
اولدینی اجراداتره سنک درکناری مندرجاندن منضم
اولمش واموال غیر منقوله نک فروختی حقننده کی

نظامنامه نک داتره مذکورده استناد ایدلک ایستینلان
واوچ سنه ک حاصلات صافیه سی دینی ایفا ایدن غیر
منقولانک صاتیله میه جفنی مین اولان ایکنجی ماده سنک
بوکی فروختی حکم آلتنه آلتان مرهوناته شموی
اولمایوب ذاتاً مرهون اولیان اموال غیر منقوله نک
اوچ سنه ک حاصلاتنک دینه حواله سی حالنده دین
عادیدن طولانی صاتمسی ایجاب ایتیه جکنی متضمن
اولسنه نظراً بومستله ده مداراستناد اوله میه جفنی درکار
بولنمش اولدینندن حکم اعلامک تفیدی ضمنتده
مزایده به دوام اولنقی قانوناً مقتضی ایدوکنک ومع
هذابووجهله تعدیل معامله ویاخود کافی السابق تأخیر
مزایده اشتکا عن الحکام طریقله ترتیب ایدیه ک مسئولیتی
درعهده ایدن اجرا وظیفه سیله مکلف رئیس محکمه به
عائد بولنمیشدن جواباً تبلیغی تذکر قلندی.

عدلیه نظارت جلیله سنده بالعموم عدلیه مفتشیریه
محاکم استینافی مدعی عمومی لیرینه نظیر قلنانه تحریرات
عمومیه صورنیر:

وحیدیه حجاز تیموریولی، منفعی ایچون با اراده سنیه
حضرت پادشاهی طبع ایتدیریلوب عرفحال ولایحه
ومربوطاتنه الصاق ایدلکده اولان برر غروشلق
اعانه علم وخبرلرینک صورت ابطالنجه بر سیاقده ایقای
معامله ایدلماکده اولدینی جهته بولنلرک اوراق متعلقه
سی اوزرینه وقت وزمانیله الصاق ایدلش اولوب
اولدینی اکلاشیله میوب بو یوزدن مشکلات تحدث
ایتکده اولسنه مبنی کیفیت قومیسینون عالیجه
لدی المذاکره ذکر اولنان علم وخبرلرک رسم تمغا پولی
کبی عرفحال ولایحه لرک امضا محلنه الصاقیله اوزرینه
تاریخ کشیده سی ومربوطاتنک ظهیرلرینه الصاق اولنه حق
علم وخبرلرک دخی کذلک تاریخ ایله ابطال اولنمش
وبووجهله ابطال اولنیشان علم وخبرلرک صکره دن
الصاق اولنمش عدلیه اولباده کی اراده سنیه حضرت
پادشاهی حکم منیفنه توفیقاً جزای نقدی آرائنسی
لازم کله جکی تذکر ایدلش اولدینی «حمیدیه حجاز
تیموریولی» قومیسینون عالیسی نامنه وارد اولان تذکره

سامیه ده ازار قلتمش اولسنه بناء اولوجهه افای مقتضای ضمنده ایجاب ایدنله تبلیغ کیفیت اولفق اوزره اشوبخبر رانک نسخ مطبوعه کافیه سی لفا ارسال ایدلش اولدینی بیانیله شقه ترقیم قلندی.

محاکمات و مقدمات

عدلیه نظارت جلیله سنک ۱۰ نیسان سنه ۳۲۰ تاریخی واون اوچ نومرولی امر تحریری قانونیسته توفیقاً تقضی حاوی محکمه تمیز جزا دائره سندن تنظیم واعطا قلنان اعلامدر:

باش مدعی عمومیک مأموریت بهیه سندن مع اوراق متفرعه محکمه تمیز جزا دائره سنه کوندربلان ۱۴ نیسان سنه ۳۲۰ تاریخی ویک اوچوز اون یدی نومرولی تبلیغنامه مطالعه اولندی .
مندرجاتی درسعادت استیناف محکمه سی مدعی .
عمومیکندن اوراق متفرعه سیله تودیع اولنان ۳ شباط سنه ۳۱۹ تاریخی مذکرده افاده اولدینی وجهه تبحاردن اوخانس اقدینک افلاسنه متعلق محاکمه اوچیک سکر یوز لیرالی کفالتی متضمن مفلس مرقوم امضاسیله ابراز اولنان سندک شبهه تصنیعدن سالم اولدینی بیانیله تحقیقات جزائیة اجرانسه بیفا قضای بدایت محکمه سی تجارت قسمنجه قرارورلیسی اوزرینه قضاء مذکور مستطفا کجه اجرا قلنان تحقیقات نتیجه سنده مفلس مرقوم اصحاب مطلوبدن قاجرمق صورتیه اموال واملای کئی زوجهنه هبه ایلکدن صکره افلاس ایدرک بورجی تکثیراً تعلقاندن زنوب ولد قابریل ایچون کویا اوچیک سکر یوز لیرایه کفالت ایش کی ساخته سندن تنظیم ایله حبله کارلقده بولندیقندن وسند مذکورک ساخته لکنی بیلدرک استعمال ایدن کر قور و زنوب ایله مرقوم کر قوره وکالتله اقامه دعوی ایلان دعوی وکیللرندن حسنی واحد اقدیلرک حرکتلریده مجازات تأدیبیه مستلزم اولدیقندن بخله قرارنامه سنک تنظیم ایدلمی مدعی عمومی معاونلکندن ادعا قلتمش اولدینی حالد مار الیسان سندک ساخته لکی جهتندن مظنونلرک منع محاکمه لرینه قرار ویریلدرک مرقوم اوخانسک حبله کار مفلس اولدینی حقدنه مدعی عمومیکک سبق ایدن ادعاسنه قارشى تدقیقات لازمه ایضا ایدلیوب طلب واقع مسکوت عنه براقله سی ودرت سنه امتداد ایتدیکندن طولانی تحقیقاتک توسیعی مصلحه مستحیل اولق کئی تحقیقات حکامک وظیفه اصلیه لیه قابل توفیق

اولیان برطاق اسبابه استناد ایدلمی قانونه مغایر اولدیقندن اصول محاکمات جزائیة قانونک اوچوز قرق یدنجی ماده سنه وعدلیه نظارت جلیله سنک ۱۰ نیسان سنه ۳۲۰ تاریخی واون اوچ نومرولی امر تحریرینه توفیقاً قرارنامه مذکورک تقضی اخباردن عبارتدر .
تدقیقات تمیزیه اجرا اولندقدنه نظارت جلیله نک امر تحریرینه عطفاً تبلیغنامه درمیان اولنان اعتراضات مندرجات قرارنامه نظرآ وارد ومستلزم تقض اسبابه مستند کورلدیکندن سالف الذکر اوچوز قرق یدنجی ماده قانونیه توفیقاً قرارنامه مذکورک بموجب طلب قضیه ۲۴ نیسان سنه ۳۲۰ تاریخنده قرار ویرلدى .

مورخوه ناحیه سی اورمان بکچیه سی مناسرتلی ابراهیم حسنی قتل ایلدکری ادعا اولتمسندن دولای جنایتله اتهام اولنان استبان اوغلی استوبان وقوله وقسطه اوغلی میطفو ویوان اوغلی قوله جولاقک اون بشر سنه مدتارله کورکه قوللرینه دائر مناسرت ولایتی استیناف محکمه سی جزا دائره سندن ویریلان ۱۳۵ نومرولی اعلام
جایجیر قریه لی کاملی قتل ایلدیک ادعا اولتمسندن دولای جنایتله اتهام اولنان محکمک اون بش سنه مدتله کورکه قوللشنه دائر سرفیجه سنجای بدایت محکمه سی جزا دائره سندن ویریلان ۳۹۹ نومرولی اعلام
بوروجوق قریه لی یورکی نیقوله وطنش ویتو قسطه نک انشای راهده اوکریسنه چیقرق تقود واشیلرئی اخذ وغصب ایلدکری ادعا اولتمسندن دولای جنایتله اتهام اولنان امین وحسینک اوچر سنه مدتارله کورکه قوللرینه دائر سرفیجه سنجای بدایت محکمه سی جزا دائره سندن ویریلان ۱۹۸ نومرولی اعلام
قولش قریه لی قولوی قتل ایلدیک ادعا اولتمسندن دولای جنایتله اتهام اولنان احمد چاوشک بش سنه مدتله کورکه قوللشنه دائر سلانیک ولایتی استیناف محکمه سی جزا دائره سندن ویریلان ۴۰۸ نومرولی اعلام

لیقه قریه لی حسن عبدوی قتل قصدیه جرح ایلدیک ادعا اولتمسندن دولای جنایتله اتهام اولنان سلیمان چاچنک اوچ سنه مدتله کورکه قوللشنه دائر اشقودره ولایتی استیناف محکمه سی جزا دائره سندن ویریلان ۳۴ نومرولی اعلام
ایواجق قضاسنه تابع بادم قریه سندن چوبان اطه لی سلیمانک بیلککندن جرح ایله برمقلرندن بمضیسنک تعطیلنه سبیت ویردیک ادعا اولتمسندن دولای جنایتله اتهام اولنان حسن اقدینک النی سنه

مدتله کورکه قوللشنه دائر قلعه سلطانیه سنجای بدایت محکمه سی جزا دائره سندن ویریلان ۲۲۴ نومرولی اعلام
اوبار ناحیه سنه تابع مارزقه قریه لی ظاهر مقصودی قتل ایلدیک ادعا اولتمسندن دولای جنایتله اتهام اولنان عمر دورمشک اون بش سنه مدتله کورکه قوللشنه دائر کورجیه سنجای بدایت محکمه سی جزا دائره سندن ویریلان ۳۷۰ نومرولی اعلام محکمه تمیز جزا دائره سنجیه تصدیق اولمشدر .

درسعادت جنایت محکمه سندن تنظیم واعطا قلنان اعلامدر:

اوچوز اون طقوز سنه سی کانون اولنک یکرمی طقوزنجی بازار ایتسی کونی ساعت اوچ ییحق راده لرنده مالتیه خسته خانه سنک ارقه جهتنده نائل بکک کوشکنده بکچی بولنان مصطفی چاوشی جرح ایله تعطیل عضوینه سبیت ویردیک ادعاسیله مظنون علیه اولان لیروز قریه سنده ساکن اون سکر باشنده آستانه لی صوغانچی بانی اوغلی لیغورک جنایتله اتهامه دائر هیئت اتهامیه دن تنظیم قلنان مضبطه واستیناف مدعی عمومیکک ۴ مایس سنه ۳۲۰ تاریخ ووز الی النی نومرولی اتهامنامه سی اوراق متفرعه سیله معاً محکمه تودیع اولقله بالمطالعہ تفصیلاتی اولیاده طوتیلان ضبطنامه دن مستبان اوله جفی وجهه اصول محاکمات جزائیة قانونک باب ثانیسنک فصل رابعنده محرر اولان معاملات ابتدائیة بعدالایشا اوچوز یکرمی سنه سی مایسنک یکرمی ایکنجی کونی متهم مرقوم علی الاصول توقیفخانه دن کتوردیلدرک ومدافعه وکیل آرتین زلیجیان اقدی واستیناف مدعی عمومیکک معاونلرندن عزتو صادق بک ومدعی شخصی بکچی مصطفی چاوش حاضر اولدقلى حالد محاکمه علنییه مباشرت متهم ایله وکیلنه اخطارات لازمه قانونیه ایضا قلندقدن صکره هیئت اتهامیه مضبطه سیله اتهامه ضبط کابی وهی بک جانبندن قرائت اولندی .

مذکور مضبطه مظنون علیه لیغورک مصطفی چاوشی جرح ایدرک حصر وبنصر بارمقلرئی تعطیل ایش اولمسندن طولانی اتهامنه اوراق تحقیقه در محرر اقراریه انضمام ایدن اخبارات ومعاينه راپوری مندرجات کافی کورلش وحرکتی قانون جزائک یوز یتش یدنجی ماده سنه موافق افعال جنایه دن بولنش اولدیقندن جنایتله اتهامه قرار ویرلدیک محرر واتهامنامه ده دخی مرقومک جنایت مذکورک فاعلی اولقله اتهام ایلدیک مسطر در .
اتهامنامه نک خلاصه مالی جانب ریاستدن متهم

کونی اخشامی ساعت اون بریحق راده لرنده صوغانچی لیروز قریه سنده ساکن اوزون بویلی قرمزى بکزیلی قبلی اسمی بریجهول شخص الله درت قیه اتمک اولدینی حالد بانه کلوب وانمکری براقوب طیاروده کز مکده وکندوسیده آبدست آلب ادای صلاۃ ایتمکده ایکن کوشک دروننده بولنان بالله ایله ارقه سندن جرح وصول النک بارمقنى قطع ایله فرار ایتدیکنی افاده ایلدیک جهته برسدیه قریه لرق غرابی مسلمین خسته خانه سنه اعزام قلندینی ازار وراپورده دخی مرقوم مصطفی چاوشک فقرات قطبیه سی اوزرنده طالیدن اسقله عموداً واقع بر آلت قاطعه ایله حاصل بش ساتیمترو طولنده درز اولنش برعدد جرحه وصول الی راجه سی طرف وحشیسندن بدأ ایله بنصر بارمقنى برنجی سلامیسنه تمتد بش ساتیمترو طولنده عقی عظمه قدر دیگر برعدد جرحه وخضر بارمقنى اوچنجی مفصل سلامیسی اوزرنده ایکی ساتیمترو طولنده مائلاً واقع دیگر برعدد جرحه کورلدیک وحالات مذکورک کندوسى اوچ آی ایشندن معطل ایدرک مدت مذکورک ظرفنده طقوز یوز غروش اجرت تدای ایله التیام ایلدیک وصول الی اصابعندن خضر وبنصر بارمقلری مفصل سلامیلرنده جرحه سیبیه التصاق تام حصوله کلرک مذکور بارمقلرک حرکت طبعیه سنی غائب ایلدیک وبوحاک بوندن بویه باقی قاله جفی اشعار قلتمشدر .
قرانت اولنان اوراق مندرجاته ومدعی شخصینک افاداسنه ندیه جکی متهم لیغوردن صورلدقدنه قبول ایده میه جکی سوبلدى .

(مابعدی کله جک نسخه)
نیقولی ودمتیرنک یاقی ضرب والبسه سنی چاک ایتدکری ثابت اوله مدیقندن برائتیرنه بغیسه ، ناریق ، ترسنه نک یکدیگرئی ضرب ایلدکری ثابت اوله مدیقندن برائتیرنه عارفک لیازاری ضرب ایتدیکى کلاشیه مدیقندن برائتیه
استاطک وانکک ساعتی سرقت ایتدیکى اکلا شیه مدیقندن برائتیه
هاشمک عزیزی ضرب ایتدیکى کلاشیه مدیقندن برائتیه
موصلى وترک سرقت ایتدیکى ثابت اولان نجیک صغر سنی حبسیله ابوشنه تسلیمه اساسیا ایله اویانیا نک آندونی ضرب و جرح ایلدکری ثابت اوله مدیقندن برائتیرنه حاجی بن عزیزک طریفونی ضرب ایتدیکى ثابت اوله مدیقندن برائتیه
احمد وحسین اقدیلرک شریفه خاتمی ومن بوره .

نکده مومى الهمانی ضرب و جرح ایلدکری ثابت اوله مدیقندن برائتیرنه
خیراه ایله مصطفانک سرسری اولدقلى ثابت اوله مدیقندن برائتیرنه
ارزومئیان اقدینک میشونه اطاله لسان ایتدیکى ثابت اوله مدیقندن برائتیه
فرهاد چاوشک اقلیه یه اخافه قصیدیه تشهر سلاح ایتدیکى اصولاً ثابت اوله مدیقندن برائتیه
خرستونک یوردانک اشیا سنی سرقت ایلدیکى اکلاشیه مدیقندن برائتیه
میخال وصوفیو واسیلکى وعتکلیکک کر باکیجه نی ضرب و جرح ایلدکری تین ایده مدیقندن برائتیرنه مصطفی اقدینک فاطمه خاتمی طولاندیردینی اصولاً ثابت اولدیقندن اوچ آی حبسنه و برالتون جزای تقدی اخذینه وطولاندیردینی اوچ لیرا اون مجیدیه نک بالتحصیل مزبوره یه ویرلشنه
زاهده خاتمک خدیجه خاتمه اطاله لسان ایلدیکى اکلاشیه مدیقندن بریحق التون جزای تقدی اخذینه اننا ایله ملتونک قاترینه نی ضرب ایتدکری اصولاً ثابت اولدیقندن برالتون اللهرق قاترینه یه ویرلشنه باشوه نک ایلانی ضرب ایتدیکى اصولاً ثابت اولدیقندن برالتون اللهرق الیایه ویرلشنه
نشانک اراقینی ضرب ایتدیکى اصولاً ثابت اولدیقندن برالتون اللهرق مضروب ویرلشنه
دمتیرنک نالومى ضرب ایتدیکى اصولاً ثابت اولدیقندن برهفته حبسنه
احمد اقدینک محمد افاه اطاله لسان ایتدیکى اصولاً ثابت اولدیقندن یارم التون جزای تقدی اخذینه
یورکنک خلاف تنیه سلاح طاشیدینی وعلی دخی ضرب ایتدیکى اصولاً ثابت اولدیقندن بریحق التون النوب مضروب ویرلشنه
خلاف تنیه سلاح طاشیدینی تین ایدن حمال علیدن بش بشلک جزای تقدی اخذینه
حمال مصطفای اطاله لسان ایله برابر ضرب ایتدیکى شهادتله ثابت اولان حطب یاریجیسی جوتینک اون ایکی کون حبسنه
خلاف تنیه حرکتی ثابت اولان تحصیلدار حسن اقدیدن بش بشلک جزای تقدی اخذینه
سعدالدینک خلاف ممنوعیت سلاح طاشیدینی اصولاً ثابت اولدیقندن بش بشلک جزای تقدی اخذینه
سرسری اولدینی ضبط ورقه سیله ثابت اولان بقوصک برآی حبسنه ویرسنه ضبطه نظارتی آلتنده بولمشنه

علی بنی ضرب و جرح ایستدیکي اخباراتله تحقق ایدن طوبخانه ده اسکی صالی بازارنده ساکن صندالچی محمدک برماه حبسنه

اجرای مأموریت حالنده رژی مأموری کامل افندی به حقارت ایدن بیوکدرده ساکن بالقچی لوقدن ایکی لیرا جزای نقدی اخذینه

توتونچی خرستونک اموال منقوله سنه ایراث خسار ایدن طوبخانه ده صالی بازارنده مقیم علیدن اون بش بشک جزای نقدی اخذیله برابر بدل خسار ازلق اوزره اوج لیرانک بالتحصیل خرستویه اعطاسنه

خلاف تنیه سلاح طاشیدینی اکلاشیلان طلومبه چی پاولیدن بش بشک جزای نقدی اخذینه

خلو نام شخصی ضرب ایدن قاسم پاشاده ساکن قلاچی علیدن برالتون الهرق مضروب اعطاسنه

مصطفای ضرب ایستدیکي شهادتله تین ایدن ملازم عثمان افدینک یکریمی بش کون حبسنه

ابراهیم باقرلرینی سرقت ایدن عبداللهمک برآی حبسنه

خلاف تنیه حرکتی تین ایدن غلطه ده ساکن غارسون خرستودن اون بشک جزای نقدی اخذینه درساعات ، بک اوغلی واسکدار بدایت محکمه لری جزا دائره لرنبه قرار ویرلشد

مُحَامَلَاتُ اِنْدِیَا هِیَہ

قوزانه قضای بدیت محکمه سی مدعی عمومی معاونی وکالتنده بولنش اولان پولیس قومیسری ابراهیم افدینک جرح ماده سنه متعلق برجرمی مسکوت عنه براقش اولدینی مناسیر ولایتی استیناف محکمه سی مدعی عمومیلکندن ورود ایدن اوراق تحقیقه محتویاتندن اکلاشامسنه مبنی ترک تعقیبات اسبابی تعمیقاً بالتحقیق سائرلرینک مدخللری اکلاشادینی تقدیرده انلر حقارنده ده برلکده معامله ایدملک اوزره مومی الیه ابراهیم افدینک محاکمه آلتیه النسنه عدلیه نظارت جلیله سدن مأذونیت اعطا واولوجهله مذکور مدعی عمومی لکه تبلیغات مقتضیه ایفا اولنشد

اِغْلَانَاتُ

بجارت بحریه محکمه سنه :

تجارت بحریه محکمه سنه افلاسنه قرار ویرلش اولان رفائل بهار ایزاقه عاند استانبولده بارناطان خاننده واقع ۷ نومرولو اوطه ده موجود امتعه نك

بالمزایده فروختی تنسیب ایدلمش اولدیغندن اشترايه طالب اولنلرک ۳۲۰ سنه سی تشرین اولنک اون اوچنجی چهارشنبه کونی ساعت درتده محل مذکورده حاضر بولنلری اعلان اولنور .

اسکدارده چارشو ایچنده ۱۱۱ نومرولی دکانده ساکن ایکن تجارت بحریه محکمه سندن افلاسنه حکم اولنش اولان خفاف بغوص و آرتین بللیجیان برادرلر شرکتک خصوصات افلاسیه سنک رؤیت وتسویه سی ضمننده دعوی وکیللرندن بدروس دولتیان افندی اصالة سندیک تعیین قلنش اولدقلرندن مفلس مرقوم ذمتنده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری ومدت مذکوره ختامندن صکره اوج کونده یعنی تشرین ناینک اوچنجی چهارشنبه دردنچی پنجشنبه والتنجی جمعه ایرتسی کونلری تجارت بحریه محکمه سنک افلاس اوطه سنه کلرک سندیک افدیبار مواجهه سننده آله جققلرینی اثبات وقید وتصدیق ایتدیرملری ومدت مذکوره ده اثبات وجود ایده میان آله جققلولر حقنده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .

درساعاتده قنجانلر یقوشنده ساکن ایکن تجارت بحریه محکمه سندن افلاسنه حکم اولنش اولان شیشه وطباق تاجری ایساق ناطان ذمتنده الهجفی اثبات ویا موقتاً قبول وقید ایتدیرمش اولان الهجقلولرک قانوننامه تجارتک ۲۱۱ نجی وانی ولی ایدن ماده سی موجبجه مفلس طرفندن تکلیف اولنه جیق قونقورداتونک مذاکره سی ایچون تشرین اولک اون سکرنجی بازار ایرتسی کونی محکمه مذکورک افلاس اوطه سنه کلری اعلان اولنور .

ایکنجی بجارت محکمه سنه :

غلطه ده قره کویده ۶۶ و ۵۵ نومرولی دکانلرده مقیم تحفجی قسطنطین نیقولاییدی وشریکی یانی ساماطراکینک ۱۱ تشرین اول سنه ۳۲۰ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمننده اعضای محکمه دن سعادتلو رضا بکک ژورقومیسر ودعوی وکیللرندن مرمر اوغلی ویلاد میرا افدینک موقت سندیک تعیینلرینه ومغازه لرله اشایی زائده بیتیه لرینک تمهیرینه واوراق ودفاترینک جلبنه وکندولرینک کفالت قویه به ربطنه وبوبابده کی

قرارک موقه اجراسنه ایکنجی تجارت محکمه سندن قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۳۲۰ تشرین اولنک یکریمی بشنجی بازار ایرتسی کونی ساعت یدی راده لرنده اصحاب مطلوبک محکمه مذکورک مصالح افلاسیه رؤیتده مخصوص اوطه سنه کلری لزومی اعلان اولنور .

اسکدار بدایت محکمه سی اجرا دائره سنه :

عایشه منیره خانمک متوفی رفعت بک کریمه سی ذلیخا زاهده خانم ذمتنده بااعلام معقائض ومصارف محاکمه الاجنی بولان مبالغک تأمین استیفاسی ضمننده ذاتاً مرهون اولوب فروختی بااعلام محکوم بولان اسکدارده بکلر بکنده استاوروز محله سننده چنار زقاغنده برطرفی آرابه چی شوقا اگا ایله لطفی اگا ورته سی منزلی وبرطرفی صاری لیغورک بوستانی وبرطرفی قدیره خانم ایتامی منزلی وطرف رابی چنار زقاغله محدود وایکی قات طقوز اوطه ودرت صوفه وایکی مطبخ وایکی قیو وایکیوز الی ذراع بانچه بی واشجار شمیره نی حاوی اخشاب وایکی بلوک اوله رق یکریمی الی نومرولی خانه لدی المزیاده لیرا یوز غروش حسابیله اون اوج بیک غروشده طالبی عهده سننده تقرر ایدرک تاریخ اعلاندن اعتباراً برماه ختامنده قرار قطعیسی ویریه جکی جهته یوزده بش ضمیله زیاده به طالب اولانلرک مدت مذکوره ظرفنده اسکدار بدایت محکمه سی اجرا دائره سنه مراجعت ایللری اعلان اولنور .

ازمیه بدایت محکمه سی اجرا دائره سنه :

صولاقلر امامی احمد افدینک اذمید ایتام صندیغندن استدانه ایلدیکی مبالغ معلومه نك تأمین استیفاسی ضمننده مدیون مومی الیهک بیع بالوفاطر یقیله رهن ایلدیکی قره باش محله سننده واقع معلوم الحدود برباب ملک منزل حقنده علی الاصول مراسم اعلانیه اجرا اولنه رق موقع مزایده به قونیلمش ولدالمزایده اوچییک اوچیوز الی غروشده طالبی عهده سننده تقرر ایتش اولدیغندن موقت قرار داده سی کشیده قلنش اولغله بوندن بویه یوزده بش ضمیله زیاده به طالب اولانلرک اوتوز برکون ظرفنده اذمید سنجاغی بدایت محکمه سی اجرا مأموریتنه مراجعت ایللری صوک دفعه اعلان اولنور .